




ՊԱՇՏՈՆԱԿԱՆՔ

—

ՔԱՂՈՒԱԾՔ ՅՕՐԱԳՐՈՒԹԵԱՆՅ ՍԻՆՕՒՒ

— Յ 7-ն մայիսի Սինոդն հրամայեաց պատուիրել կառա-
վարչի կալուածոց Մայր Աթոռոյ, որ ի Տփլիսի Տ. Եփրե-
մայ վարդապետի ընդունել զնուիրեալս ի Գէորգայ Դաւիթ-
Խանեանց զմի հարիւր և յիսուն ուրբիս յօգուտ ձեմա-
րանի Մ. Աթոռոյ, Հ. 367.

— Յ 9-ն մայիսի Սինոդն հրամայեաց ծանուցանելով
Տ. Մխիթարայ վարդապետի Տէր Մկրտչեան զկարգումն
նորա Բարձրագոյն հաճութեամբ ի ժամանակաւոր կառա-
վարիչ թեմին Աստրախանի, առաջագրել նմա փութալ
ի պաշտօնատեղի իւր ի ձեռն արկանել ի կատարում պար-
տուցն, Հ. 370.

— Յ 12-ն մայիսի Սինոդն հրամայեաց՝ առեալ ի նկատ
զվկայութիւն Լուսարարապետի Մ. Տաճարի զօգտակար

ծառայութենէ Սահակայ վարդ. Աստուածաբանաց ի Տաճարին՝ թողուլ զնա առժամանակ մի ի պաշտաման օգնականի Լուսարարապետի Մ. Տաճարի, որպէս և զՅարութիւն վարդ. Մանուկեան թողուլ ի պաշտաման վանահօր Խժկօնից վանուցն ցնոր տնօրէնութիւն Սինօդիս, Հ. 382.

— Ի նմին թուի Սինօդն հրամայեաց՝ պատուիրել Կոնսիստորիային Հայոց Վրաստանի տնօրինել մկրտել զվերաբնակիչ Աղդաշ աւանի նահանգին Գանձակայ զկինբժիշկ Սառայն Օռնշտէյն, ի հրէից դաւանութենէ, ըստ ծիսի Հայաստանեայց եկեղեցւոյ, ըստ խնդրանաց նորա, Հ. 385.

— Ի նմին թուի Սինօդն հրամայեաց՝ պատուիրել Վանական կառավարութեան տալ ըստ առաջի արարեալ ցուցակին սկսեալ ի 1-էն այսր մայիսի կենսաթոշակ ցմահ ծառայողաց Մ. Աթոռոյ Յարութիւնի Գրիգորեան զութաւրլիս, Յարութիւնի Գեարգուշեան զվեց ուրբ., Յարութիւնի Գեարաքեան զինն ուրբ. և Յովսէփայ Խաչատրեան իբրև նպաստ զվեց ուրբ. առ ամիսն, Հ. 388.

— Ի նմին թուի Սինօդն հրամայեաց՝ ընդունել դառաջարկութիւն անդամոյ նորին Տ. Յովհաննէս արքեպիսկոպոսի որ վասն կառուցանելոյ ի գետնի Մ. Աթոռոյ Սղէքսանդրապօլ շտեմարան ի գումար երկու հազար քառասուն և չորս ուրբեաց ըստ առաջի արարեալ նախահաշիւոյ, յորոց զմի հազար ուրբլիս յանձն առնու հատուցանել Տ. Յովհաննէս արքեպիսկոպոսն, իսկ զմնացեալ մի հազար քառասուն և չորս ուրբլիս ծախել յարդեանց Հոգևոր կառավարութեան Աղէքսանդրապօլու, որ յետ աւարտման շինութեանն ունի ստանալ հետզհետէ յարդեանց նորին զծախեալ գումարն ցլրումն նորին, Հ. 389.

— Ի 16-ն մայիսի Սինօդն հրամայեաց՝ դարձուցանելով զգործ Հոգևոր կառավարութեան Աղէքսանդրապօլի № 66/1907, ծանուցանել Արշալոյսի Մկրտչեան, ի ձեռն

Կոնսիստորիային Երևանայ, եթէ՝ որ ոչ ընդունի զժէսս, զարարողութիւնս և զդաւանութիւն մերս եկեղեցւոյ, ոչ համարի անդամ նորին և ոչ կարէ պսակիլ քստ ծիսի Հայաստանեայց եկեղեցւոյ, Հ. 394.

— Ի 19-ին մայիսի Սինօդն հրամայեաց՝ համեմատ եզրակացութեան Կոնսիստորիային Հայոց Վրաստանի դա-
դարեցուցանել զծխատէր քահ. Մանգլիս աւանի զՍնդ-
րէսս Սրչակունի ի քահանայադործութենէ, և առաքել
զնա յապաշխարութիւն վեցամսեայ ժամանակաւ ոչ ի վանս
Սեփնայ, այլ Հաղբատայ, յանձն առնելով զհոգևութիւն
ծխականաց նորա այլում քահանայի այնու, զի զմի մասն
արդեանցն ընկալցի ինքն և զերկուս մասունս յանձնեացէ
արգելեալ քահանային: Հ. 400.

— Ի նմին թուին Սինօդն հրամայեաց՝ պատուիրել
Կոնսիստորիային Վրաստանի զՊետրոս քահանայն Վարչա-
ման արկանել ընդ միամսեայ եկեղեցական ապաշխարու-
թեամբ առ դրան ծխական եկեղեցւոյ Գօրի քաղաքի:
Հ. 401.

— Ի 21-ին մայիսի Սինօդն հրամայեաց՝ յարգելով
զխնդիր Մամբրէ վարդապետի Մելիք-Ադամեան՝ թոյլ տալ
նմա մնալ յարտասահման մինչ ցմին սեպտեմբ. ամսոյ
1909 ամի վասն բժշկութեան անձին և լսելոյ ի համալսա-
րանի կարճելով զտուչութիւն միաբանական ռոճկի նորա
ի միոյն յունիսի տարւոյս: Հ. 406.

— Ի նմին թուին Սինօդն հրամայեաց՝ ընդունել
զՍարգիս Երզնկեան ի հոգեւոր կոչումն ի սպասաւորութիւն
Ս. Սարգիս եկեղեցւոյ Զալալ-օզլի գեղջ, յորոց ի կատա-
րումն տալ հրաման Կոնսիստորիային Հայոց Վրաստանի:
Հ. 407.

— Ի 26-ն մայիսի Սինօդն հրամայեաց՝ լուեալ զխըն-
դիր և զառաջարկութիւն Սարգիս քահանայի Թաթսիզեան
Քիչնե քաղաքի և զիջեալ ի թախանձանս և յարգահատելի

վիճակ նորա, թոյլ տալ նմա պաշտել զքահանայութիւն, առնելով ի նմանէ նախապէս զստորագրութիւն առ այն, եթէ պարտաւորի նա յընթացս միոյ ամի սկսեալ ի յունիս ամսոյ տարւոյս առաջի առնել ատենին ռուբլիս յիսուն առ ամիսն և ի վերջ տարւոյն զմնացեալ գումար պարտուցն ողջոյն՝ ցլրումն մի հազար հարիւր իննսուն ռուբ. 10 կոպ. Հ. 527.

— Ի նմին թուի Սինօզն հրամայեաց՝ զվանահայրն Գեղարդայ վանուց զՎահրամ վարդ. Սլկունի արձակել ի պաշտամանէն և կարգել ի կատարող պաշտաման վանահօր Ս. Գէորգայ վանուցն Մողնուոյ, երկրորդ՝ զվանահայրն վանուցն Մողնուոյ զԲառնաբաս վարդապետն արձակելով ի պաշտամանէն՝ կարգել ի կատարող պաշտաման վանահօր վանուցն Հաղարծնի, զորոյ զվանահօրն պաշտօնակատար զՄեսրոպ արեղայն առաքել ի վանս Սեանայ ի միաբանակցութիւն. երրորդ՝ զանդամ վանական կառավարութեան Մ. Աթոռոյ զԹորէն վարդապետն Լազարեան արձակել ի պաշտամանէն և կարգել ի կատարող պաշտաման վանահօր վանուցն Գեղարդայ. Հ. 437.

— Ի 28-ն մայիսի Սինօզն հրամայեաց՝ պատուիրել Կոնսիստորիային Վրաստանի պահանջել ի նախկին պրոկուրօրէ Սինօզիս Լ. Ֆրէնկէլ զպարտս նորա ի գումար չորս հարիւր վաթսուն և վեց ռուբ. 66 կոպ. և եթէ ոչ հատուցէ յօժար կամօքն իւրովք, պահանջել զայն ի ձեռն դատարանի. Հ. 441.

— Ի նմին թուի Սինօզն հրամայեաց՝ առեալ ի նկատ, զի գործ ամուսնալուծութեան վասն անբարոյականութեան և ապօրինի կենակցութեան համարին քրէականք, որք աղատ են ի սահմանեալ դրոշմանչից, ուստի պատուէր տալ համայն Կոնսիստորիայից Հայոց Ռուսիոյ տնօրինել առնել շրջաբերական ծանուցումն ժողովրդականաց ի ձեռն ստորագրեալ հոգևոր հաստատութեանց և պաշտօնէից, եթէ խնդիրք ամուսնալուծութեան վասն անբարոյական և ա-

պօրինի կենակցութեան ազատ են ի սահմանեալ դրոշմանչից, այլ պահանջին վասն խնդրոյ ամուսնալուծութեան, յարուցելոյ յաղագս գծութեան, բացակայութեան, անընդունակութեան և այլոց պատճառաց: Հ. 444. —

— Յ 30-ն մայիսի Սինօդն հրամայեաց՝ անպարտ ճանաչել զՄկրտիչն Տէր-Անտօնեանց, զատենադպիրն Կոնսիստորիային Նոր-Նախիջևանի և Բեսարաբիոյ՝ յետ լսելոյ զբացատրութիւն նորա և տալ տեղեկութիւն Կոնսիստորիային Ն. Նախիջևանի, թէ չիք այլ ևս արգել ի կողմանէ Սինօդիս, եթէ կամիցի վերստին հրաւիրել զՏէր Անտօնեանցն ի պաշտօն ատենադպրի: Որ ինչ հայի յառաջին կէտ վճռոյ Սինօդին յ8-ն մարտի տարւոյն, թ. 243, առնել զառանձին զեկուցումն: Հ. 461.

— Յ 2-ն յունիսի Սինօդն հրամայեաց՝ ունելով առաջի աչաց զանբարեխիղճ պաշտօնավարութիւն Ստեփանոսի վարդ. Շիրակունւոյ ի լինել նորա ի պաշտաման վանահօր վանացն Հոռոմոսի, տալ նմա սկսեալ ի 1-էն յունիսի տարւոյս միայն զեւթն ուրբ. 75 կոպ. յամիսն ի նպատտ փոխանակ հնգետասան ուրբեաց: Հ. 469.

— Ի 4-ն յունիսի Սինօդն հրամայեաց՝ ունելով առաջի աչաց զգրութիւնս նախկին Կառավարչապետաց Կովկասու ի 28-ն օգոստոսի 1884 ամի, թ. 8076 և ի 16-ն հոկտեմբերի 1892 ամի, թ. 10066, զհիմնեալս ի վերայ 1025 յօդ. IX հատ. օրինաց (852 յօդ. հրատ. 1899), ծանուցանել առաջնորդի թեմի Վրաստանի, եթէ օտարահպատակք կարեն ունել պաշտամունս ընդ տեսչութեամբ հոգևոր իշխանութեան ի սահմանս Ռուսիոյ միայն առանձին թոյլտուութեամբ նախարարութեան ներքին գործոց: Հ. 475.

— Ի 6-ն յունիսի Սինօդն հրամայեաց՝ զիջեալ ի հիւանդագին վիճակ Մեսրոպայ ա. քահանայ Ոսկանեանց ըստ վկայութեան բժշկաց՝ առաքել զնա յապաշխարութիւն

ի վանս Հաղբատայ վեցամսեայ ժամանակաւ՝ փոխանակ վանուցն Սեանայ, Հ. 485.

— Ի նմին թուի Սինօզն հրամայեաց՝ առեալ ի նկատ զպատճառաբանութիւնս Կոնսիստորիային Ն. Նախիջևանի և Բեսարաբիոյ զՆերսէս քահ. Հերթեցեան առաքել յապաշխարութիւն եռամսեայ ժամանակաւ ի վանս Հաղբատայ, Հ. 486.

— Ի նմին թուի Սինօզն հրամայեաց՝ պատուիրել Կոնսիստորիային Ղարաբաղի ընդունել ի հոգևոր կոչումն զԹովհաննէսն Տէրաէրեանց ըստ խնդրոյ ծխականաց Շուշիքենդ գեղջ և առաջագործի առաջնորդի թեմին վարել ըստ 1171 յօդ. I. մ. XI հատ. օրինաց, Հ. 489.

— Ի 17-ն յունիսի Սինօզն հրամայեաց՝ լուեալ զբողոք պ. պրօկուրօրի Սինօզիս առաքելով առ փաստաբան Սինօզիս պ. Գրիգորն Տ. Խաչատրեանց զստացագիր Գէորգայ Գէորգեանց, յանձն առնել նմա պահանջել ի Գէորգեանցէ ի ձեռն դատարանի ընդամենայն ունեայս ի գումար տասն հազար ուրբեաց և կանխիկ դրամ՝ զմի հազար երկերիւր քառասուն ուրբի, Հ. 505.

— Ի 17-ն յունիսի Սինօզն հրամայեաց՝ առաքելով զգրագրութիւն ըստ խնդրոյ բռնի դարձուցման հայոց ի մահմետականութիւն, հանդերձ արձանագրութեամբ, կազմելովն ի ձեռն օգնականի գաւառապետի Նախիջևանի յ18 տարելի տարւոյս, խնդրել ի պրօկուրօրէ շրջանային դատարանի Երևանայ արկանել զվերաբնակիչս Գեչրլու գեղջ գաւառին Նախիջևանի զՅարութիւնն Մարգարեան և զկին նորա զԹանուսն Զաքարեան Մարգարեանց ընդ քրէական պատասխանատուութեամբ ըստ 88 յօդ. օրինաց վասն դարձուցանելոյ նոցա զանչափահաս զաւակունս իւրեանց ի հայ Լուսաւորչական դաւանութենէ ի մահմետականութիւն և վասն տալոյ զՍիրանոյշ դուստրն մահմետականի ի կնութիւն, Հ. 502.

Ամուսնալուծութիւնք

Յ-9 մայիսի Սինոդն հրամայեաց նախ՝ զպսակ անշախահառ Փառանձեմայ Իւզբաշեան Օշականցւոյ ընդ Մեղիքի Զարգարեան համարել անվաւեր, թոյլ տալով կնոջն յետ հառանելոյ յարբունս հասակի ըստ կամացն կեալ ընդ Մեղիքի Զարգարեան կամ մտանել ի նոր ամուսնութիւն ընդ այլում: Երկրորդ՝ զգործակալն Աշտարակոյ զԹադէոս քահանայն, որ հակառակ նախադրուչացման գործակալին Վաղարշապատոյ տուեալ է զհրաման պսակին և զԴուռիթ քահանայն Օշական գեղջ, որ ոչ հայեցեալ ի նախազգուշացումն նոյն գործակալին Վաղարշապատոյ, կատարեալ է զպսակն՝ ցուցանելով ի յայտարարութեան իւրում յանուն գործակալին Աշտարակոյ զհասակ Փառանձեմայ Իւզբաշեան չորեքտասան ամաց, զարգարեցուցանել ի քահանայագործութենէ և յանձնել ի դատ մարմնաւոր իշխանութեան ի ձեռն դատաւարի նահանգական դատարանին Երևանոյ ըստ 362 և 1575 յօդ. պատժակ. օրինաց և երրորդ՝ զմայրն Փառանձեմայ Իւզբաշեան զՄարգարիտն և զՄեղիքն Զարգարեանց յանձնել ի դատ մարմնաւոր իշխանութեան ըստ 1563 յօդ. նոյն օրինաց: Ը. 368.

յ 9 մայիսի Սինոդն հրամայեաց՝ առեալ ի նկատ զհնգամեայ անջատ կեանս Կարինեանց ամուսնոյ վերաբնակչաց ի Բօրչխա գեղջ շրջանին Բաթումի, զորս չիք հնար ինչ ածել ի հաշտութիւն և ի համաբնակութիւն, լուծանել զպսակ Վաղարշապատոյ Կարինեանց ընդ կնոջն Անուի և թոյլ տալ երկոցունց ևս մտանել ի նոր ամուսնութիւն, առն այժմ իսկ, և կնոջն զկնի վեցամսեայ եկեղեցական ապաշխարութեան: Ը. 371.

ի 21 մայիսի Սինոդն հրամայեաց՝ հաստատելով զեղրակացութիւն Կոնստանդնուպոլսի Աստրախանն՝ լուծանել զպսակ վերաբնակչի Վաղիկաւկադ քաղաքի Աղէքսանդրի Հախլերգեանց ընդ կնոջն Կատերինայ և թոյլ տալ առն մտանել ի նոր ամուսնութիւն ընդ այլում: Ը. 415.

ի նմին թուի Սինոդն հրամայեաց՝ ոչ գտանելով հիմն ինչ վասն լուծանելոյ զպսակ Յովհաննիսի Խօջայեանց, բնակչի Գանձակ քաղաքի, ընդ կնոջն Սոփիայի, զխնդիր նորա թողուլ առանց հետևանաց: Ը. 417.

Ի 23 մայիսի Սինոդն հրամայեաց՝ առեալ ի նկատ դամե-
նայն հանգամանս գործոյս և զվեցամեայ անջատ կեանս ընակ-
չաց երեան քաղաքի—Մուսուրեկեանց ամուսնոց՝ լուծանել
զպսակ Մկրտչի Մուսարեկեանց ընդ կնոջն Շուշանկան և թոյլ
տալ առն մտանել ի նոր ամուսնութիւն ընդ այլում: Հ. 418.

Ի նմին թուի Սինոդն հրամայեաց՝ ոչ դատնելով հիմն ինչ
լուծանելոյ զպսակ ընակչի Փիւ գեղջ Սարգսի Զուսայեանց ընդ
կնոջն Թագուհւոյ, դարձուցանել զգործս ի կոնսիստորիան Վրաս-
տանի և պատուիրել յորդորել զամուսինսն գալ ի հաշտութիւն
և ի համարնակութիւն: Հ. 419.

Ի 26 մայիսի Սինոդն հրամայեաց՝ քանզի խնդրատու
ընակիչ Շնող գեղջ գաւառին Բորչալուի Սարգիսն Զիշագեանց,
որպէս երեւի ի քննութենէն, ինքն իսկ դրժեալ է ուխտի ամուս-
նութեան, ուստի զխնդիր նորա վասն լուծման պսակին թո-
ղուլ առանց հետեանաց և յորդորել զամուսինսն ի ձեռն Կոնսիս-
տորիային Հայոց Վրաստանի ի հաշտութիւն և ի համարնակու-
թիւն: Հ. 428.

Ի նմին թուի Սինոդն հրամայեաց՝ հաստատելով զեզրակա-
ցութիւն Կոնսիստորիային Հայոց Վրաստանի, լուծանել զպսակ
Տիխիսեցի Գէորգայ Փիթոյեանց ընդ Ֆլորայի Գուռաֆովնա
Փիթոյեանց տալով երկոցունց ևս իրաւունս նորոյ ամուսնու-
թեան: Հ. 429.

Ի 28 մայիսի Սինոդն հրամայեաց՝ Հաստատելով զեզրա-
կացութիւն Կոնսիստորիային նոր նախիջեանի և Բետարբիոյ՝
լուծանել զպսակ ընակչի Ղալա գեղջ, նահանգին Վանայ Յա-
կովբայ Ստեփանեանց ընդ կնոջն Կատարինայ, առն և եթ
թոյլ տալ մտանել ի նոր ամուսնութիւն ընդ այլում: Հ. 443.

Յ 2 յունիսի Սինոդն հրամայեաց՝ համեմատ եզրակացու-
թեան Կոնսիստորիային Հայոց Վրաստանի լուծանել զպսակ վե-
րաբնակչի Տիխիս քաղաքի Թայերի Զաքարեանց ընդ կնոջն Նո-
յեմզարի, առն և եթ թոյլ տալով մտանել ի նոր ամուսնութիւն
ընդ այլում: Հ. 470.

Յ 2 յունիսի Սինոդն հրամայեաց՝ համեմատ եզրակացու-
թեան Կոնսիստորիային Հայոց Վրաստանի լուծանել զպսակ
ընակչի Թաթլու գեղջ գաւառին Ղաղախի Մնացականայ Զա-
քարեանց ընդ կնոջն Մանուշակի, թոյլ տալով առն և եթ մտա-
նել ի նոր ամուսնութիւն ընդ այլում: Հ. 471.

Ի 11 յուշիսի Սինոդն հրամայեաց համեմատ եզրակացութեան Կոնստանտնուպոլսի Ն. Նախիջևանի և Բեսարաբիոյ լուծանել զպսակ ընակչի Աղկերման քաղաքի Յովակիմայ Աւագեանց Մարութեան, թոյլ տալով կնոջն և եթ մտանել ի նոր ամուսնութիւն ընդ այլում: Հ. 493

Ի 11 յուշիսի Սինոդն հրամայեաց՝ համեմատ եզրակացութեան Կոնստանտնուպոլսի երեւանայ լուծանել զպսակ ընակչի Էվջիւար գեղջ գաւառին էջմիածնի Յովհաննիսի Յովհաննիսեան ընդ կնոջն Իսկուհւոյ, թոյլ տալով առն մտանել ի նոր ամուսնութիւն ընդ այլում: Հ. 494.

Ի 7 յուշիսի Սինոդն հրամայեաց՝ համեմատ Կոնստանտնուպոլսի Ն. Նախիջևանի և Բեսարաբիոյ լուծանել զպսակ ընակչի Գրիգորիոսոյ քաղաքի Յակովբայ Բատիկեանց ընդ կնոջն Վարդուհւոյ, թոյլ տալով կնոջն և եթ մտանել ի նոր ամուսնութիւն ընդ այլում: Հ. 506

Ի 20 յուշիսի Սինոդն հրամայեաց՝ լուծանելով զպսակ ընակչուհւոյ Շուլաւէր գեղջ Բորչալու գաւառին Մարեմայ Ղաւիչեանց ընդ առն Սարգսի Ղաւիչեանց, թոյլ տալ կնոջն մտանել ի նոր ամուսնութիւն ընդ այլում և զիջեալ յերիտասարդական հասակ առն Սարգսի և ի թախանձագին խնդիր նորա՝ նմա ևս թոյլ տալ մտանել ի նոր ամուսնութիւն ընդ այլում զկնի վեցամսեայ եկեղեցական ապաշխարանաց: Հ. 512.

Ի նմին թուի Սինոդն հրամայեաց՝ լուծանելով զպսակ Սոփեայ Գալստեանց ընդ առն եղեայ Գալստեանց, ընակչի Գանձակ քաղաքի, թոյլ տալ երկոցունց ևս մտանել ի նոր ամուսնութիւն զկնի միամեայ եկեղեցական ապաշխարութեան: Հ. 513.

